



Utoqqaat pillugit oqaaseqartatoq Ukiumoortumik nalunaarusiaq 2023



Ajaappiaq
J I I

Imarisaasa nalunaarsornerat



Siulequt.....	3
Utoqqaat pillugit oqaaseqartartup suliassai.....	4
Ukioq 2023 ingerlasimanera.....	5
Ukioq 2023 ingerlasimanera.....	6
Piffissamut nutaamut tulluusarpugut.....	7

Saqqummeersitsisoq aaqqissorneqarneralu:

Utoqqaat pilluigt oqaaseqartartup allattoqarfia

Ukioq saqqummerfia: 2024

Amerlassusaat: Taammaallaat nittartakkamut inissitassatut.

Piginnittussaatitaasoq: Toqqaat pillugit oqaaseqartartup allattoqarfia: oqarasuaat: +299 54 27 07 ☎
+ 299 54 47 29, Josefip aqqutaa 749, 3921 Narsaq, GLN nr. 43721933

Siulequt

Utoqqaat pillugit oqaaseqartartup 2023-mut ukiumoortumik nalunaarutaanut tikilluarit.

Utoqqaat pillugit oqaaseqartartoqarneq 2019-imi, inatsisitigut pilersinneqarpoq. Maannamut utoqqaat pillugit oqaaseqartartut pingasut atorfeqareerput.

Utoqqaat pillugit oqaaseqartartoq piffissami ukiunut 3-nut killissaleriikkamik toqqarneqartarpoq.

Naalakkersuisut Utoqqaat pillugit oqaaseqartartutut toqqagaat ukiut marluk inulaarlugit sulereerluni Inga Egede Utoqqaat pillugit oqaaseqartartutut juulip aallaqqaataani suliunnaarpoq.

Kiista P. Isaksen 2023-mi decembarip aallaqqaataani utoqqaat pillugit oqaaseqartartutut atorfinitsinneqarpoq. Taammaattumik ukiumut nalunaarut una naatsunnguuvuq.

Utoqqaat pillugit oqaaseqartartutut sulinera aallarnerlugu nuna tamakkerlugu kiisalu kommunini politikkikkut ingerlatsinerni attuumassuteqartuni tamani attaveqarfiit aammalu suleqatigiinneq pitsaasoq angunissaa pingaarnertut sulissutigaa. Pingaartikkakku naalakkersuisoqarfiit, aqutsisoqarfiit aamma kommunit kiisalu soqutigisallit allat nukittuumik suleqatigissallugit attaveqarfigissallugillu.

Nunami isorartoorujussuarmi najugaqarpugut, uangalu utoqqaat pillugit oqaaseqartartutut nunatsinni utoqqaat qanimut attaviginiassallugit periarfissaqannginnama kommunit kajumissaarpakka, utoqqarnut utoqqaat pillugit oqaaseqartartuannik oqaloqateqarusuttunut ininik ataatsimiinnermilu atorunik utoqqarnut pisariillisaataajumaartussanik periarfisseeqqullugit.

Matumani takorloorlugu atorut taamaattut utoqqarnut utoqqaat pillugit oqaaseqartartuannik attaveqarusuttunut oqilisaataasorujussuussasut, taamaasillutalu immitsinnut ungasikkaluaqaluta immitsinnut isigitiqaluta oqaloqatigiinnissamut periarfissaqalissasugut.

Utoqqaat pillugit oqaaseqartartumut, allatseqarfitsinnullu innuttaasut tamarmik, utoqqaat, qanigisaasut, sulisut, oqartussaasut aamma suliffeqarfiit saaffiginninnissamut tikilluaqqusaapput. Saaffiginninnermi aallaavittut paasissutissat pisariaqartitavut tassaapput; ateq, oqarasuaatip normua imaluunniit e-mail, kiisalu saaffiginninnermut tunngaviusoq. Saaffiginnissut misissoreerutsigu periarfissaq siulleq atorlugu akissuteqassaagut.

Ukiunut tulluttunut sulinissannut qilanaarlunga, nagasiutigalugu utoqqarnut, politikerinut, utoqqaat peqatigiiffiinit, Kattuffiannut, taakunungalu ilaqutaasunut, tugassiorunut piffissamut nutaamut tulluusarnitsinnut saqqumilaarnissamut periarfissiisimanerannut kiisalu suleqatigisartakkatsinnut tamanut, tatiginnittumik akuersaartumillu naapissimasatsinnut, sulinitinni aalajangiisooqataasimasunut tamanut qujangaarpunga.

Inussiarnersumik inuulluaqqusillunga

Utoqqaat pillugit oqaaseqartartoq





Utoqqaat Illersuisuannut inatsisitigut tunngaviusoq tassaavoq nr.37, 28. November 2019. Taaguullu 2023-mi inatsisartuni allanngortinneqarpoq imatut: Utoqqaat pillugit oqaaseqartartoq. § 1 naapertorlugu inuiaqatigiinni utoqqarnut atugassarititaasut soqutigisaasalu iluaquserneqarnissaat siunertaavoq.

Suliassatullu pingaarnerpaatut makku qulakkeersimassallugit;

- Utoqqaat atugaat periarfissaallu pillugit utoqqarnut siunnersuineq ilitersuinerlu.
- Utoqqaat atugaat pillugit apeqquutinut tunngassuteqartunik, pisortani oqartussanut, pisortat namminersortullu suliffiitut kiisalu kattuffinnut peqatigiiffinnullu il.il. siunnersuineq ilitersuinerlu.
- Inuiaqatigiinni utoqqaat, atugaallu pillugit inuiaqatigiinni ilisimasat annertusarnissaat sulissuteqarneq.
- Paasissutissanik ingerlatitseqqiisarneq, tamat oqallinneranni utoqqaat sinnerlugit oqaaseqarneq kiisalu utoqqaat oqallinnermi peqataanissaannut periarfissaasa pitsaanerulernissaannik sulissuteqarneq inuiaqatigiinnilu ineriartormik sunniuteqartarneq.
- Utoqqaat atugaannik periarfissaannillu patajaallisaataasunik suliniutissanik siunnersuuteqartarneq.

Utoqqaat pillugit oqaaseqartartoq sulianut ataasiakkaanut aaliangiisinnatitaanngilaq

Utoqqaat pillugit oqaaseqartartup allattoqarfiani 2023-mi innuttaasunit saaffiginnissutit tiguneqarsimapput 30-it missaat, taakku siunnersorneqarnissamik ilitersorneqarnissamillu ujartuisimapput. Innuttaasut saaffiginnittarput mailikkut, oqarasuaatikkut, kiisalu namminneq takkullutik.





Ukioq 2023 ingerlasimanera

Utoqqaat Illersuisuata Nuummi allattoqarfia 30. Januar unnuk Kultursiorfimmi Utoqqaat Illersuisuata Inga Egedep suliai aammalu peqqinnissamut puiortunngornermullu ikiorti Kristoffer Egede puiortunngorneq pillugu saqqummiiput.



April 2023

Nuummi utoqqaat illuanni najugaqartunik sisamanik paarsinerlunneq pillugu nalunaarutiginnittoqarsimavoq. Utoqqaat pillugit oqaaseqartartup Nuummi utoqqaat illuannut paasisassarsiorluni pulaarnera alianaraluartumik taama kinguneqarsimavoq. Sulisussaaleqineq, sulisut akornanni napparsimanerit aammalu sulinermi pilersaarutit sukannersut utoqqaat illuanni ulluinnarsiutaasut pissutigalugit najugaqartut paaqqutarineqarnissaannut piffissaqartitsinngimmagit.

Juli 2023

Naalakkersuisut Utoqqaat pillugit oqaaseqartartut toqqagaat Inga Egede Utoqqaat pillugit oqaaseqartartut juulip aallaqqaataani suliunnaarsimavoq. Pisoqarneq pillugu Naalakkersuisut oqaaseqarsinnaasimanngillat, suleqatigiinnerulli taamaatinnera illua'tungeriulluni paaseqatigiinnerup kingornatigut pisimanera ilisimatitsissutigineqarsimalluni.

Oktober 2023

Nunatsinni utoqqaat pillugit oqaaseqartartuuttut Kiista P. Isaksen toqarneqarnera Naalakkersuisut nalunaarutigaa.

December 2023

Kiista P. Isaksen utoqqaat pillugit oqaaseqartartut 2023-mi decembarip aallaqqaataani atorfinippoq, inunnik isumaginninnermut siunnersortitut ilinniagaqartuuvoq aammalu isumaginninnerup tungaatigut aqutsinermik ukiorpassuarni misilittagaqarluni.

Ukiorpanngortuni qinikkatut sulisimavoq, ilaatigullu Narsap Kommuniani 2005-imiit 2009-p tungaanut aammalu Kommune Kujallermi 2017-imiit 2021-ip tungaanut borgmesteritut atorfeqarsimalluni.



Piffissamut nutaamut tulluussarpugut

Utoqqaat pillugit oqaaseqartartoq Narsami najugaqarluni sulivoq. Sulisuni Nuummiittut isiginnaarutitigut oqarasuaatitigulluunniit ullut tamakkiallugit attaveqarfigalugit ataatsimeeqatigisarpai.

Kiistap misilittagaqarluarnini atorluarlugu utoqqarnik ilaqutaannillu siunnersuillunilu ilitersuisarniarpoq, minnerunngitsumillu utoqqaat inuuniarneranni atugaat pillugit oqartussaasunut apuussisarniarluni.

Utoqqaat pillugit oqaaseqartartoq attaveqatigiittarnikkut kommuninik suleqatiserinnittoq

Sulinermi pingaarnarpaat ilagaat tatiginassuseq, taannalu aatsaat pisinnaavarput, piviusumik utoqqaat qanoq innerat tusaaneratigut. Taamaattumik innuttaasunik siunnersuinerмик oqaloqateqarnermillu suliaqarneq sulinitinni pingaaruteqartorujussuuvog, qujamasuutigaarpullu innuttaasut tatiginninnerat ammasuunerallu.

Utoqqaat pillugit oqaaseqartartoq Narsami najugaqarluni utoqqaat pillugit oqaaseqartartutut sulissasoq Naalakkersuisunit akuerineqarnikuuvog.

Tamatununga atatillugu nunatsinni Kiistap kommunit kajumissarpai, utoqqarnut utoqqaat pillugit oqaaseqartartuannik oqaloqateqarusuttunut ininik ataatsimiinnermilu atortunik utoqqarnut pisariillisaataajumaartussanik periarfisseeqqullugit.

– Nunami isorartorujussuarми najugaqarpugut, ulluinnarnilu nunatsinni utoqqaat qanimut attaviginiassallugit periarfissaqanngilagut. Taamaammat kommuninut kajumissaaruteqarpunga ininik ataatsimiinnermilu atortunik utoqqarnut utoqqaat pillugit oqaaseqartartumik sulisuinilluunniit oqaloqateqarusuttunut periarfissiissuteqaqqullugit.

Utoqqaat pillugit oqaaseqartartuata sulisuni Nuummiittut ulluinnarni Teams atorlugit oqarasuaatitigut isiginnaarutitigullu Narsamiit ataatsimeeqatigisarniarpai. Atortut taamaattut utoqqarnut utoqqaat pillugit oqaaseqartartuannik attaveqarusuttunut oqilisaataasorujussuussarmata. Taamaasillutalu immitsinnut ungasikkaluaqaluta immitsinnut isigiitigaluta oqaloqatigiinnissamut ammaassissoqassammat.

